



Publicaziuns officialas dils 21-08-2009

Damondas da baghegiar

Nr. 70/2009

Datum da publicaziun: 21-08-2009

Patrun: Martin Cathomas, Val 395B, 7173 Surrein

Object: Ulivaziun da terren e construcziun d'in pursepen sin parcella nr. 3798 a Surrein, Val.

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas protestas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 21-08-2009

Cumissiun da baghegiar Sumvitg

Radunonza da vischnaunca

Gliendisdis, ils 24 d'uost 2009 allas 20.00 uras en casa da scola a Surrein

Gliesta da tractandas

1. Avertura e beinvegni
2. Elecziun da 2 dumbravuschs
3. Approbaziun dil protocol dalla davosa radunonza communal dils 02-06-2009
4. Tractaziun ed approbaziun dil project "baghetg economic Igniu" a Rabiis e concessiun d'in credit brut da frs. 680'000 persunter
5. Tractaziun ed approbaziun dalla revisiun dil reglament da votaziuns ed elecziuns
6. Orientaziuns
7. Varia

Ils detagls tier tractanda 4 e 5 san vegnir retratgs tier la canzlia communal. Dil protocol dalla davosa radunonza communal sa vegnir priu investa sin canzlia communal d'ora las uras da spurtegl.

Sumvitg, 21-08-2009

Suprastonza communal Sumvitg

Reglament da traffic / carrar sin vias d'uaul

Tenor reglament da traffic dils 08-03-1999 vala per las sequentas vias communalas permanentamein in scamond da carrar cun tuts vehichels a motor (signal 2.14):

- Spartida Cumadé entochen Val Rabiús, incl. cruna dil rempar
- Siltginas - Alp Glivers
- Clavadi - Crap Ner
- Clavadi - Con da Vitg
- Laus/Hettas - Bostg
- Laus/Hettas - Runca
- Mir Alv - Hettas
- Val Dadens - Alp Naustgel
- Bogn Tenigia - Punt Vallesa
- Punt Gronda - Alp Russein
- Runcahez - Runé
- Parcadi dadens lag Runcahez - Valtenigia
- Parcadi dadens lag Runcahez - Run
- Via veglia Curaua
- Runs - Fanels
- Plaun da Punt
- Via veglia Alp da Laus
- Punt Sulagval - Rensch
- Unclin – Cumpadials

Exepi da quei scamond ein viadis tenor art. 2 (sco p.ex. survetschs ufficials e maschinas agricolas) sco era purtaders d'ina carta da legitimaziun tenor art. 3, numnadamein:

- a) d'ina lubientscha per diever agricol
- b) d'ina lubientscha annuala
- c) d'ina lubientscha meinsila
- d) d'ina lubientscha dil di

Las lubientschas san vegnir retratgas sco entochen da cheu. Per ulteriur sclariment stat l'administarziun communal bugen a Vossa disposiziun. La carta da legitimaziun ei da plazzar bein veseivla vid il vehichel. Quella ei buca transmissibla. Surpassaments vegnan puni tenor las determinaziuns dalla lescha da traffic.

Plinavon ha la suprastonza communal relaschau en sia seduta dils 22-04-2002 determinaziuns executoricas davart la consegna da cartas annualas. Quellas determinaziuns passan immediatamein en vigur e san vegnir retratgas sin canzlia communal.

Nus supplichein da risguardar las signalisaziuns e buca far surdiever dallas numnadas vias en favur da nossa flora e fauna. Bien engraziament per Vossa collaboraziun.

7175 Sumvitg, uost 2009

Suprastonza communal Sumvitg

Scamond d'encurir bulius

Sebasond sils art. 11 e 12 dalla lescha davart la protecziun da plantas e bulius ha la Regenza dil cantun Grischun decretau restricziuns.

Ei setracta en special dil suandont:

- Egl interval dils 1 entochen e cun il 10avel di da mintga meins eis ei scumandau d'encurir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Surpassaments da quellas prescripziuns vegnan puni a norma d'art. 16 dalla lescha cantunala davart la protecziun da plantas e bulius. Nus supplichein da respectar quellas disposiziuns ed engraziein per tutta capientscha.

Sumvitg, uost 2009

Suprastonza communal Sumvitg

Uniun da gymnastica da dunnas Rabius (UGDR)

Invitaziun alla radunonza generala

Gliendisdis, ils 31 d'uost 2009 allas 20.00 en l'ustria Greina, Rabius.

Da stedia participaziun selegra *la suprastonza*

Societad da tir Vial Sumvitg

Tir obligatori 2009

La societad da tir Vial Sumvitg envida al tir obligatori: **dumengia, ils 23 d'uost 2009 dallas 18.00–20.00.**

Adatg! Tiradurs obligai ston presentar il camond da tir sco era il cudisch da sittar, resp. il carnet da prestaziun. Quei tir sa sulettamein vegnir sittaus mo quels dus dis. A tuts in bien siet gia ordavon e sin seveser a Plaun Petschen.

Societad da tir Vial Sumvitg

Club da ballapei Trun/Rabius

Affons dallas annadas 2001–2004

Has Ti tschaffen da dar bal? Lu neu inagada a trenar cun nus e mira co quei ei da dar bal. Ils trenaments han mintgamai liug la mesjamna dallas 18.00–19.30 uras sil plaz da bal a Rabius/Igniu. Nus entschevin a trenar ils **19 d'uost 2009**. Per ulteriur sclariment sas Ti s'annunziar tiel cau da juniors. Nus selegrein da Tia annunzia: il cau da juniors dil CB Trun/Rabius Alex Deplazes-Schmid, Priel, 7173 Surrein telefon 081 943 33 37 / 076 466 20 46 mail: [acdeplazes\(at\)bluewin.ch](mailto:acdeplazes(at)bluewin.ch)

Fiasta uniformaziun nova dalla societad da musica Sumvitg/Cumpadials

Sonda, ils 29 d'uoost 2009

20.00 Concert cun la societad da musica Cham.

21.30 Concert cun Acavoce da Domat.

Silsuenter stiva da caffè, bar, gril e musica da divertiment cun Los Muchos da Cham.

Dumengia, ils 30 d'uoost 2009

9.15 Survetsch divin en tenda cun collaboraziun dalla Kirchenbläsergruppe da Cham.

Silsuenter aperitiv per in e scadin sin plaz scola.

11.00 Til atras il vitg cun tut las musicas envidadas.

11.45 Plaid da beinvegni dil president dalla Societad da musica Sumvitg/Cumpadials.

Gentar per in e scadin en tenda.

12.00 Producziuns en tenda:

– Societad da musica Cham

– Societads da musica Surrein Rabiis

– Societad da musica Trun

– Societad da musica e tamburs Disentis/Mustér

– Societad da musica Medel/Lucmagn

– honoraziun veterans

– Societad da musica Sumvitg/ Cumpadials **cun presentaziun dallas monduras novas.**

18.00 ca. finiziun dalla fiasta.

Pro Senectute: Cuors trenament dalla memoria a Mustér

Mira sut Disentis/Mustér.

Club da ballapei Trun/Rabiis

Campionadi da ballapei

Mira sut Trun.

Biblioteca Trun

Mira Sut Trun.

Biblioteca populara, Mustér

Mira sut Disentis/Mustér.